

雁縣鄉土志



吳堡縣

歷史



本境自宋治平四年克西夏置吳堡砦為二十七寨之一全為

吳堡縣

未置本境以前

唐虞之世遠不可考屬貢屬雍州春秋時白狄居之戰國為魏上郡地襄王七年入於秦漢魏以來廢興不一視上郡為遷移魏為延陵縣隋開皇十七年改為延福縣唐為定胡縣屬石州即今山西永寧州之孟門故址猶存唐末西夏據之名吳堡

既置本境以後

元至元二十八年改吳州元貞元年復為縣屬葭州隸延安明因之洪武十年主簿蘇守正言縣事不敷併歸綏德十四年復屬葭州隸延安府 國初因之雍正十三年改隸綏德州

政績錄

元縣尹

元真剛至正年蒞任政平訟理見真武廟碑

明知縣

郭敏北直寶坻縣舉人天順五年知吳堡縣事恩加良善威震豪強修

學均役勸農賑飢民思其德

張廷鳳直隸魏縣舉人嘉靖三十九年知縣事政務寬裕不事煩苛
卒於官百姓號泣如喪考妣

韓文黷直隸井陘縣貢生嘉靖四十二年知縣事守己廉潔為民興
利作清慎勤三箴以自警歲載縣志藝文部

杜邦泰直隸阜城縣歲貢萬曆三十一年蒞任凡有利於民者悉殫力
致之修城修學多著勤勞陞廣寧府通判民為立祠於宋家川

國朝知縣

趙勳直隸雞澤縣選貢順治二年知縣事時當兵燹後政尚撫循民懷之
為立祠於戟門左

沈宏勳浙江平湖縣進士康熙三十四年知縣事聰察善記催科不擾
有德政碑

謝家麟四川閬中縣舉人乾隆四年蒞任適值歲荒申請散賑三年
民又飢復請撥緡德清澗延川米四千石以濟邑人全活甚眾士民為
之建清廉坊太平寺前後立賑民碑

徐國柱字砥齋湖北沔陽州進士乾隆三十九年知縣事在任四年培
養人材修理廟宇多出資以助賑災不遺餘力代理緡德米脂民咸

歌頌之

陳元杰浙江仁和縣監生嘉慶二十三年知縣事抵任見前令張履程勸修書院未就慨然以為己任事因以集吳之有書院自元杰始也與張公履程同祀清官亭

劉函綱山東濰縣進士道光八年知縣事性剛毅人不敢干以私初書院落成閱十餘年修脯無所出公廣召紳耆委曲曉諭積資二千餘緡為之籌久遠立規條而士知向學焉邑人祀於清官亭

沈維綱字友蘭直隸宛平進士原籍浙江同治八年知縣事秉性嚴明賞罰公允時適回匪侵掠閭閻困乏公為申請上憲榆林兵糧減半完納所有過境流差捐廉自發數十年來為民興利除害者咸推公為最至今頌聲猶如雷灌耳

鄭振聲字文亭安徽婺源縣進士光緒十二年知縣事御吏嚴明待民寬和創立六鄉義學捐廉為民倡每月加課手自郢斲培養人材邑士均沾其惠平於官士民泣弔者甚眾今與張陳劉三公合祀清官亭

兵事錄

同治五六年間回匪作亂來犯本境者再城據險要兼賴知事呂公懋勳練團募勇巡守嚴肅不與其難西南三鄉受害不淺後賴左文襄公肅清西路餘黨聞風寢竄

元

張易皇慶四年進士歷官至樞密副使至元十八年詔焚道書易諫云道
德經繫老子親著餘皆後人偽撰上從之

明

王思學問淵博操履端方洪武中以國子生擢嘉興府同知所至有聲
陞四川布政使右參政

張澍號靜菴元樞密副使張易後樂善好學捐資賑飢武宗中以經明
行修判澤州事苗民逆命奉檄勦獲多著勲勞

張綺號清峰天性孝友甫九歲事親無異成人父歿奉母康氏色養無怠
由明經歷官昆陽州知州多善政

丁知許性聰敏年十二補博士弟子員父母病日侍床褥默禱神求代比
卒泣血撫弟知進成立孝友兼盡仕永清至主簿

李應賢號南洲任保定令清心亮節因直見忤解綬歸里時有流賊攻
吳應賢運畧擊之賊宵遁人服其應變有策

薛國柱字重明事母至孝以明經任交城令精明真率聽訟無枉造士多
通顯縣城易土以磚不加鞭朴暮月而竣邑人建祠於東關以祀陞河南
府同知監軍督餉著有成績擢分巡河汝道兵備僉事康熙八年從祀

交城縣名宦

薛蘊芝字瑞階順治辛丑進士任貴州龍里令因吳逆之亂不樂任進棄官歸讀書談道泊如也編輯邑志其稿至今存焉

賈天祿號學山年甫十二補博士弟子員以兼習五經登乾隆丁卯賢書辛未成進士授四川冕寧令以能稱代牧會理擒涼山盜作涼山記饒版藏家中以憂歸服除選授湖廣竹山縣知縣

宋占易字遇謙嘉慶丁卯登賢書以知縣試用四川歷署雙流永寧所至政績丕著牧簡州數月卒於官視歸士民涕泣送者數百人

李掄元字子三邑廩生司訓長安修長安縣志預有勞焉以保薦授江西南城縣丞上官嚴憚之以知縣陞用告終養歸所著有格致志邑志稿陝甘江右各省皆手自繪疆域圖

孔成字希集少孤貧勵志讀書嘉慶癸酉舉於鄉任富平教諭每以不逮事父母為悲自用儉樸與家居無少殊

附錄節烈

明

生員丁泰妻李氏生員李應賢妻史氏萬歷三十九年羣賊晝劫二氏登樓拒之賊舉火焚樓二氏約姊妹五人以被裹身端坐而斃知縣盧文鴻旌泰妻曰致命遂志旌賢妻曰正氣陵霄教諭李元春

曰以讐悅者流乃能伏節死賊如常山舌如睢陽齒真古今未有之奇節而人間罕觀之貞烈也

人類

本境於漢戶外概無他種

戶口

本境自明以前人煙寥落戶若晨星今至居戶大半於明末

國初由晉遷入同治六年緣兵災流離者十分之二光緒丁丑戊寅緣旱災流殍者十分之四日今度地而言生齒頗繁烟戶約三千三百餘家男約一萬四千三百餘口女約一萬二千五百餘口

氏族

本境原無大族可載祇有王李薛姓頗稱繁行居住各有二十餘村王姓肇於太原係周靈王太子晉之後遂稱王氏望出瑯琊李姓肇於隴西係伯益後堯時世為理官姓理至伊候之璠食木子改姓李薛姓肇於河東奚仲封薛子孫以國為氏俱係累朝受氏舊籍李姓原籍吳邑王姓於國初由晉遷吳薛姓於明末由晉遷吳

宗教

本境僻處偏隅儒教相傳入天主教者今有武潤成李泰常薛占有薛仲清數人至回教喇嘛黃教紅教耶穌教全無入者

士百分之十農百分之八十工百分之四商百分之六

地理

本境在省垣北一千三百里綏德州東一百四十里東臨黃河隔河即山西永甯州界南三十里交綏德石擦村西南四十里交綏德石堆山界西五十里交綏德寶塔寺界北八十里交葭州螭蚓峪界西北九十里交葭州溫家灣界計通境南北袤長九十餘里東西寬四十里舊制三里明崇正年間知縣徐亮工申請丁寡不及一里概曰永豐里戶分六甲區分六鄉貴和鄉居城西南四十里崇治鄉居城東北三十里型仁鄉居城東北五十里尚忠鄉居城西北五十里仁義鄉居城北八十里重義鄉居城西北九十里城鄉皆舉至遠而言古蹟市廟坊表橋梁舊志備載城內設高等小學堂一所傳習所附焉初等小學堂勸學所附焉六鄉藉義學舊款各設初等小學堂一所治地褊小祇有三鎮鋪戶各鎮數家宋家川鎮在城南十里新設初等小學堂一所辛家溝鎮在城西北四十里召鎮在城北七十里

山

本境原無名山可載祇有平原三道青龍神原在縣治西北袤延三十餘里北接高原嵒巍然天際為象山宗西峰寺原在縣治

北袤延四十餘里田家原在二原之中袤延二十餘里近山雖屬有水皆涓之細流不及詳載

水

邑北八十里葭州螭螭峪界黃河入境舟楫日行間有椈筏南流十里經川口鎮統匯川小水來注其水發源綏德董家山流五里交本境宋家溝岔向東流十里經統匯橋與瀑布泉水會復東流十五里經人雄山麓與溫泉會又東流十里入黃河沿本境東北南流七十里經本城山麓沿河有數小水來注均係細流不及詳載流十里經宋家川鎮又流十五里至王家川清河溝水來注其水發源本境霍家溝向東南流十里經辛家溝鎮又流四十里入黃河

沿溝間有細流來會不及詳載南流

五里經綏德石擦村出境

道路

出城南行十里至宋家川渡口與山西寧鄉縣軍鋪渡相對來往客商頗多為本境第一通衢西南行十里經王家川復行十里經康家塔至此西行十里經達連坡又行十里交綏德石堆山出境為本境赴延榆綏西安甘肅之要衝出城北方行十里經海眼寺由寺向西北行十里經馬跑泉復行十里經李家原又行十里至辛家溝鎮自此西行十里經霍家山交綏德界為西區赴綏之要衝東行十里辛家原

復行十里經郭家溝與北鄉赴城之支路相接由此東行五里經太平寺
復行十五里至下山坪渡口過渡與山西臨縣磧口鎮相對由太平寺向東
北行十里經一步塢又十里至川口渡與臨縣高家塌渡相對由渡
北行十里至葭州螞蚱峪鎮出境由渡西行十里經張家溝又十里
經統匯橋與西北鄉赴城之支路相接由橋西行十里至綏德董家
山為本境北區赴綏之要衝由支路南行十里經宋家坡又十里經
張家坵又十里至辛家溝其餘支路均為負販往來曲徑並無正路

物產


物產之多寡居民之貧富所關吳邑素稱瘠苦天然之產既歉製
造之物尤罕動物一類毛屬頗稱蕃庶馬牛羊豕滋生尚多居人
恒產耕稼而外賴畜為一大宗蚕為一小宗他如狐狸狼兔尚其草
鷹雉尚其羽魚鼈尚其味雖屬間有土人亦不善取五穀無稻餘種
皆備棗梨等果可充本境之銷行榆柳等木可給日用之器具至於
礦產地局褊小兼多土山木經礦師採採有無尚不可必製造惟工人
斫木以供器女紅紡棉以供衣罕有外售之類

商務

吳邑三鎮各鎮鋪戶皆數家所產粟物牲畜蚕繭等項本境銷
行外俱由河運山西柳林磧口等鎮出售由商易售者半由民自售

者亦半五穀視年之豐歉運難無定年豐約售一千石之譜年歉所
售無幾畜類惟羊豕二種出售頗多每歲約售羊一千餘隻約售豕
二百餘口蚕繭一項每歲約售二千餘斤餘皆僅充本境銷行布棉
煤鐵等貨俱由山西柳林磧口孟門諸鎮運入本境每歲約銷布二
千餘疋約銷棉一萬五千餘斤約銷炭一千五百萬餘斤約銷鐵二千
餘斤





古籍电子书

欢迎您的光顾

网址：<http://www.xy980.net>

QQ:77815100 电话:15879335110

联系制作：古籍电子书工作室